

## Bighia au village de Mort

mĩ titi jɔrɛ kũ nĩ / baba mo / Joseph Koffi Mouroufie / Kongodia //

nã / dawaa nĩ / hĩnĩ Ewue / ɔ le jɪ kuro / sũnã nkɔ dɔ / ɛ kɔ dɔ a / Ewue jɪ ɔ kũ wɔ //

hĩnĩ ɛle hũ kũ / hĩnĩ je fãmĩã kũ wɔ bre / jɪ ma mɔ / kũ wɔ nu / be fre jɪ Bija/ jɪ ma nga nĩ mɔ / be nbo be dumãã /jɪ ɔ kuro be ɔ / hĩnĩ Bija nĩ / ɔ kpɔ jɪ/ hĩnĩ ɔ kpɔ jɪ nĩ ã / ɔa ɔo de...ɔ kuro ka ɔ kũ jɪ //

kunĩwa bɔ ɔ kuro ka ɔ kũ jɪ nĩ a /hĩnĩ ɔa hɔ a fa brafuɔ /brafuɔ bɔ ɔ kpe sũnã ti nĩ / hĩnĩ ɔa hɔ a fa jɪ a sie ngondaa / ka ɛwa nĩ brukuro / nã ɔa fa kpãngɔ kũ / ɔa fa a mã jɪ mamɔ bɔ ɔ kuro be sa nĩ / nã ɔa fa sire krapuɛ / ɔa fa a mã Bija nĩ ɔ//

jɪ nã awurɔwaa kũ wɔ bre / jɪ wã / nãnã awurɔwaa / mo wuri nĩ / wɔ jɪ ɛ tari mĩ ɔ / baba a fa kpangɔ a fa a mãmɔ kura / mĩ dɪ / sire krapuɛ jɪ ɔa fa a mãnĩ mĩ ɔ //

jɪ wã / je kɔ / sunã bɔ ɔ fi ast nĩ / be jɪ / bɔ ɔ ka sã nĩ / be hũ jɪ / sire krapuɛ kusu / ɛ nã ã / ɔ kura wãnti ? / nã ɔ jɪ ka kpangɔ ? //baba / jɪ jɪ wã / ɔ ti mã te // a / hĩnĩ ɛ nĩ jɪ be hɔ // nja / jɪ nã hɔ wururɪ bre nĩ / a / hĩ hĩ / hĩnĩ ɔa ɔo jɔrɛ / jɪ jɪ wã / amɔ hɔ //

baba / sire krapuɛ nĩ kpãngɔ / be ai / pra pra pra...// jɪ be kɔ jɪ brafuɔ jɪ junu bre nĩ / ɛ / sire krapuɛ nĩ / ɔa kpe jɪ sĩ / ɔa jɪ / ɔ sa jɪ sĩ ba //jɪ wa bɔ ɔ kuro jɪ kpaã nĩ / ɔ kɔ jɪ bre / jɪ jɪ ɔa ha sã ɔ / kpo / ba kpe jɪ ti //

baba / be fi dɔ ba wa // nã / mĩ wa nĩ dɪ? / jɪ wã / e / je juri dɔ / bia bɔ ɔ wɔ dɔ nĩ / ɔa hũ jɪ / wɔ sunã nĩ //ei / Bija / mĩ wã / mĩ kũ wɔ / mĩ kũ wɔ / mĩ kũ wɔ // ɔ ti mã te / nã /mĩ wã /mĩ kũ wɔ / mĩ kũ wɔ / nã kɔ / mĩ sumã wɔ Ewue kuro //

dawaa nĩ kusu / hĩnĩ Ewue / ɔ le jɪ kuro / a nkɔ dɔ a / ɔ nkũ wɔ // ɛ wũ ka jɔrɛ ehika mã hã jɪ kpeɛ su // jɪ jɪ wã / nã / mĩ sumã wɔ Ewue kuro // jɪ jɪ wã / baba / mã ti //

jɪ nã awurɔwaa nĩ / jɪ ɔ hɔ borɪ jɪ amãnĩã ɔ / ka baba wã / ɔ sumã mĩ Ewue kuro // a / wɔ st wã / ɔ sumã wɔ Ewue kuro? / nã / ɔ ti te / nã kɔ / nã / ɔa harɪ wɔ / nã ɔa hɔ / ɔa harɪ jɪ kura // jɪ wã / ɛ kɔ a / se jɪ / de sikaa jebuɛ bɔ be tĩ su asara nĩ / ɔ nĩ jɪ jɔkua / ɔ nĩ jɪ asara towaa / nã / fa bra mĩ // jɪ wã / o / ɔ ti mã te / mã ti //

ɔ hɔ borɪ jɪ nã nĩ amãnĩã // jɪ nã wã /o / se jɪ sɔ a / hĩnĩ mĩ kusu mã mã ɛ kɔ / nã / ehika ɪ / ɔ ti nice fi // ɔa mã jɪ dufare / ɔa fa a wura jɪ sa nu / dufare nĩ ti nsu // baba / jɪ wã / baba / nã / mã ɔe // jɪ wã / mĩ narɪ bɔ mã harɪ wɔ nĩ / jɪ ai / kɔ //

baba / ɔ fɪ jɪ sire krapuɛ su ɔ / baba / he/ sããã sire krapuɛ nĩ dɪ / ɔ tra kpãngɔ / fre / ɔa jɔ de de / nã ɔa hɔ a jɪ atĩ nĩ / nĩkaa bɔ ɔ ka / hĩnĩ atĩ nĩ a ɔe nĩ //

sire krapuɛ wã / uhõ / jɪ wã / nsu ɔ / jɪ wã / nã / atĩ nĩ a kpura / jɪ jɪ wã / je fa ni? / jɪ wã / bakaa ɪ / jɪ atĩ nĩ fɪ jɪ ɔ / jɪ wã / ɛ fɪ bakaa nĩ su? /je ɔo se nã ja fɪ bakaa nĩ / jɪ wã / jaci / mĩ kɔ //

baba / hĩnĩ kpãngɔ nĩ ngumĩ a fɪ bakaa nĩ / sire krapuɛ nĩ a kaci kpangɔ o / ɔa fɪ bakaa nĩ / pra pra pra / ka be ɔerɪ bakaa nĩ fɪ sua pe / ba fite Ewue kuro //

ba hɔ a jɪ / ɔ wa bisarɪ ahĩ / ɔa trã ast / Ewue wã / amɔ mã jɪ nsɔe / ba mã jɪ nsɔe / ɔa nũ / ɔ ɔo sɔ nĩ / nsɔe nĩ / ɔa nũ / afɪ jɪ nã hã hererɪ jɪ ka / ɛ kɔ nã ɛ nũ dɔ nsɔe a / ɛ wu / nã mã nu dɔ nsɔe

nĩ le //

be mǎnĩ jĩ nsye nĩ / jĩ wǎ / mǎ nũ nsye / Ewue / jĩ wǎ / amɔ bisa jĩ amǎnĩ // jĩ wǎ / baba wǎ / mĩ mara nǎ ma wa a bisa wɔ ahĩ // e / bɔ amɔ sɪ ka mĩ dɪ / mĩ kũ sunǎ / jɪe sunǎ nĩ wǎ / e wa bisa mĩ ahĩ / nsu jɪe jĩ wǎ / mĩ ma m'ɔ jĩ ɔ ? // mǎ Ewue ɔ ? / nǎ ɔ ti mǎ tɛ // mgbafinǎ mɔ / amɔ kpĩnde sɔa be sice jĩ // nĩfǎ jɪe amɔ sicerɪ jĩ ɔ ? / be wǎ / be sicerɪ jĩ ka pascal sɔa nĩ nu / jĩ wǎ / ɔ ti mǎ tɛ //

nɔsua / be hɔ mǎnĩ jĩ alɛ / ɔ nĩ jĩ nsye // ɔ kɔ nĩ kusu / jĩ alɛ ɔ nĩ jĩ nsye bɔ ɔ bia ɔ nĩ jĩ niye mɔ kura / jĩ ni a fa a wura jĩ kpǎngɔ nĩ nu / jĩ kunu // ɔ hɔrɪ / be farɪ alɛ nĩ fa sieri bre kura / alɛ bɔ be fa guarɪ bre nĩ / e / ɔa sɪsa / ɔa hɔ a butu jĩ kura / ɔa hɔ a fi jĩ kpǎngɔ nĩ sɪ / hĩnĩ ɔa tice / ɔa jĩ jĩ nsye a bia / ɔa jĩ jĩ nsye a nu / ɔa di jĩ alɛ / jĩ ku a jĩ / ɔa fi jĩ / ɔa mǎtǎ //

ba sice sunǎ ba ɛ ɪ / e kɔ dɔ biekũ? / kpǎngɔ nĩ kusu / ɔa mĩnda jĩ anuǎ nu bre // ɔ wɔ bre kǎ / jĩ wǎ / ɔ ba nĩǎ / ka nĩkaa nĩ le ba ɛ nĩ / Ewue a jasɪ / jĩ wǎ / ɔ ba kũ baa nĩ // ɔ fi dɔ ɔ ba / kpǎngɔ nĩ wǎ / uhũ / jĩ wǎ / nsu ɔ? / jĩ wǎ / Ewue se ba / jasɪ trǎ asɪ // jɪe ɔ jasɪ trǎ asɪ ɔ / Ewue wa turɪ jɪa / ɔa trǎ asɪ / jĩ wǎ / a / e dafurɪ aka? / jĩ wǎ / se je kuro a / ǎngǎ baba le mǎ mĩ sikaa asara jebuɛ / ɔ nĩ jĩ asara towaa / ɔ nĩ jĩ jɔkua / jĩ sɪ nǎ mǎ da // Jɪe jĩ wǎ / ɔ ti mǎ tɛ / mĩ fa bra wɔ cɪcɪsɪ // a / ɔ farɪ ɔ / hui / hĩnĩ ɔ nĩ kura a wa // bɔ a mǎ Ewue warɪ mǎǎ nu / jĩ jɔre jɪe mĩ se kǎ jĩ ɔ // hĩnĩ ɔa fa a wa / jɪe jĩ wǎ / ɔ ti mǎ tɛ / hĩnĩ dɪ a / mĩ ba da kǎ //

baba / be wɔ bre kǎ / hĩnĩ Ewue a jasɪ / ɔ se ba biekũ // jĩ wǎ / uhũ / kpǎngɔ nĩ / jĩ wǎ / uhũ / jĩ wǎ / nsu ɔ? / jĩ wǎ / e / Ewue se ba sua / e wuni jĩ hɔ ? / nǎ / jasɪ trǎ asɪ // jɪe ɔ jasɪ ɔ trǎ asɪ ɔ / ɔ fi dɔ warɪ ɔ / a / Bijɪa / e darɪ aka ? / jĩ wǎ / mĩ narɪ aka / nǎ / je kuro a / ǎngǎ baba jĩ kunu baa kǎ bɔ ɔ kuro jĩ nĩ / bɔ ɔ nĩǎ ǎ / jĩ aɟunĩ wɔ jĩ wɔ kǎ nĩ / je nĩ jĩ jɪe je da ɔ / nǎ / jĩ sɪ nǎ mǎ dafɪ / nǎ se jĩ dɪ / ɔ nĩ nu ǎ / mĩ nafɪ mǎ //

baba / a / jĩ wa kũ wɔ ewa dɔ / mǎǎ a bu nu a ɛ / a / hĩnĩ ɔa fre jĩ / jasɪ bra / nǎ / nsu jɪe e se ɔ jĩ dɔ ɔ ? / nǎ / e nĩ kpafinǎ nĩ be hɔ da // ɔ fi ewa hɔ darɪ ɔ / braa nĩ / ka ɔ darɪ kpee kũ... / nĩǎ sunǎ bɔ jĩ dɪ fi dafire su / ɔ hɔ darɪ kpee kũ ɔa dafɪ //

biesɔa nĩ / ɔa jĩ jĩ afire kura / ɔa fa a gua jĩ bu / ɔa fa jĩ tǎnĩ nĩ / ɔa fa a hara braa nĩ / jĩ niye kura... / hĩnĩ biesɔa nĩ / ɔa kaci braa / hĩnĩ ɔ se ba kasiǎ ɪ / kpǎngɔ nĩ da bre / ɔa jĩ jĩ su tri //

baba / ɔ fi dɔ warɪ / jĩ wa nĩ / kpɔru / ɔa wa a hu / ɔ fite hɔ ɔerɪ nĩ / kpǎngɔ nĩ wǎ / uhũhũ / jĩ wǎ / nsu ɔ ? / jĩ wǎ / a / ɔa hu jĩ wa nĩ a ɛ nĩ dɪ / je yo nsu ? / hɔrɪwa jɪe ɔ fata ka je kɔ ɔ / e / Ewue kpǎngɔ die nĩ kusu / ɔ tu // jɪe jĩ wǎ / be fre jĩ kpǎngɔ //

hĩnĩ jĩ nǎ dufare bɔ ɔ fa mǎnĩ jĩ nĩ / ɔ ti nsu // baba / bra bɔ ɔ fi kpǎngɔ nĩ sua kpgbogbo / be nǎtɪ de de de de bɔ ɔ ba jũ ka kɔngɔɪ seterɪ / ehe / baba / hĩnĩ be kɔ muǎ // baba / alɛ hĩnĩ / Ewue wǎ / nǎ / famĩǎ nĩ ɔ sumǎnĩ jĩ wa nĩ ewa / nǎ / mǎ hũ jĩ / ɔ da sɔa nĩ nu dɔ / amɔ hɔ fa jĩ ho sie // kũ ɪ kɔ a / bɔ ɔ nĩǎ ǎ / jĩ wa nĩ jɪe ɔa hũ jĩ nĩ / ɔ nkura nkɔ dɔ kũ / jĩ wǎ / wɔ wa nĩ jɪe a hũ jĩ ɔ / afɪ mĩ kɔ dɔ a / e kũ mĩ / Ewue wǎ / jĩ jɪe ɔ nsuro jĩ ɔ //

Kũ nĩ kɔ a / ɔa ɛ jĩ kuro nĩ kura ɔɔ / be kura ba sǎndɪ / hĩnĩ nĩnkaa bɔ ba hɔ nĩ kusu / hĩnĩ ba hɔ muǎ // Ewue wǎ / a / nsu ti a mǎ mĩ sumǎ mĩniǎ mɔ a / be kɔ a / be mamɔ mĩ amǎnĩǎ ɔ / jĩ ti mĩ kɔ nĩǎ // ɔ fi ewa ɔ kɔ a / ɔ kɔ jũ jĩ wa nĩ jɪe ɔ da bre e / jĩ kunu baa kpaɔ bɔ ɔ ti kǎ nĩ / jĩ jɪe ɔ da bre e / ɔa wu //

ji wã / e / ɔ ti mã te / fãmĩã jte ji di ɔa ɔo mĩ sua ε ? / ɔ ti mã te / se ji sɔ di a / mĩ kusu mĩ kpu ji //  
baba / ji kpangɔ diε nĩ / ɔ tu ka avũ //

baba / bre bɔ be farɪ ji fiu fiu fiu / hĩnĩ nĩnkaa bɔ miniã mɔ be kɔ nĩ / hĩnĩ ba hɔ mua / ɔ fa ji de  
de de // bre bɔ ɔ kɔ / hĩnĩ kpãngɔ nĩ wã / uhũhũ / ji wã / nsu ɔ? / ji wã / Ewue / ɔa tu je / nã / Ewue  
se ba / nã / nãnã ji dufare bɔ ɔ fa manĩ wɔ nĩ / fa kũ fa mã mĩ //

jte ɔ farɪ kũ ɔ fa mãnĩ ji ɔ // ɔ fa fini asɪ bre kpai / he / nsue bɔ ɔ se tɔ nĩ / ɔ ti ka sũ / be nkura  
nworu nu // ho / Ewue juri bre / hĩnĩ ɔa kpe nu / ɔ kɔ // ji wã / e / Ewue se ba / nã / mã mĩ dufare  
nĩ kũ // ɔ fa fini bre kpai / aɔã / ɔ kpura jãmĩã su dɔ / ho //

Ewue juri bre / hĩnĩ ɔa kpe nu // ei / ɔ ti mã te / je hɔ / frε frε frε / ɔ kɔ ju dɔ a / ji wã / e / nã /  
Ewue se ba // hĩnĩ sããã ji si nĩ / bre bɔ ɔ kɔ nĩ / ɔa mã ba de karãnga / karãnga nĩ / ɔ sĩ kpe jia  
kuro nĩ ba de ji nsu // ɔ ti mã te / nã je hɔ

ka ɔ fa fini bre pi / eɔa / he he / sunã fu nkura njĩnã kuro sɔ nĩ nu // hĩnĩ ɔa kpe nu // ɔ ju ewa ju  
ewa / hĩnĩ ɔa kpe nu // baba / jte be fa ji fe fe fe // hĩnĩ kpãngɔ nĩ kusu / e / sire kpakpue ji  
vãtiriwa nĩ kpãngɔ kpa nĩ / ε nĩã ã / ɔ kura ɔo kpaã? // baba / bre bɔ be wa juri kuro nĩ nu ka  
ewa nĩ asɔnĩ sɔa nĩ / ji kpãngɔ nĩ wã / je jĩnã ewa / nã / Ewue a tu je // karãnga bɔ be derɪ nĩ / ɔ  
ti nsu / jte ɔ kpe sĩ jia kuro nĩ ɔ //

e / ji wã / je jĩnã ewa / nã / ɔ fi dɔ de de de de de bɔ ɔ wa tɔrɪ ji ka ewa nĩ ka sɔa bɔ ɔ wɔ je sɔa nĩ  
sua ɪ / jte ji wã / fu afĩnĩ / nã / ka fɔrɪ sua pe nĩ / ɔ hururi kũgba nĩ / ɔ trarɪ karãnga nsu nĩ kura /  
Bija diε nĩ / ɔ hururi / ɔ trarɪ karãnga nsu nĩ kora / ɔa hɔ a kpĩ dɔ //

Ewue kusu diε nĩ / ɔ hururi / ɔa trã nsã / ji nã su nĩ / ji sĩ jte ɔ kpĩnĩ awuro ɔ // ɔa ɔo sɔ / ji  
kpãngɔ nĩ / ɔ ti ka alɔa / ha ha ha ha / ɔ wumĩ / jte ji wã / nsu ɔ? / ji wã / nja ahĩ / nja ahĩ / nja  
ahĩ / jte be suro ɔ // nã / amãnĩã / fãmĩã wã / nã / ε warɪ / nã / ε wa ɔorɪ nsu? //

jte ji wã / fãmĩã / wã jte ɔ sumãnĩ baa mĩ kuro dɔ ɔ ? // ε sumãnĩ ji / ε wã / m'kɔ m'ɔo ji nsu ? / ε  
wã / m'kɔ m'ku ji / nã / ji di / ji kusu ɔa hu mĩ / ɔ fi ene bɔ ɔ kɔ ehĩmã nĩ / mĩ Ewue / mĩ se nkɔ  
nĩkaa fu kũ / mĩ kɔ trã daa siã bre // nã / cĩã bɔ Ewue / ɔa kpĩ ji jĩ awuro nĩ / hĩnĩ be wã / sunã a  
wu // mĩ jɔrɪ bɔ m'kãnĩ nĩ / ji bu le hĩnĩ //